



Орта білім ұйымының буллингке қарсы командасы туралы Е Р Е Ж Е

1. Жалпы ережелер

- 1.1. Осы Ереже Буллингке қарсы команда қызметінің (бұдан әрі - Команда) мақсаттарын, міндеттерін, қалыптастыру тәртібін айқындайды.
- 1.2. Осы Ереже Қазақстан Республикасы Оқу-ағарту министрінің 2022 жылғы 21 желтоқсандағы № 506 бұйрығымен бекітілген Баланы қудалаудың (буллингтің) алдын алу қағидаларына сәйкес әзірленді.
- 1.3. Команда Педагогикалық кеңестің келісімі бойынша білім беру ұйымы директорының бұйрығымен құрылады және таратылады.
- 1.4. Команда өз қызметінде осы Ережені басшылыққа алады.

2. Қызметтің мақсаты мен міндеттері

2.1. Мақсаты: білім беру үдерісіне қатысушылардың қудалау (буллинг) фактілерінің алдын алу және болдырмау бойынша өзара әрекеттестігін күшейту, қауіпсіз білім беру ортасын қамтамасыз ету үшін білім беру ұйымдарындағы қудалау (буллинг) фактілеріне ден қою.

2.2. Команданың міндеттері:

- «ДосболLIKE» қудалаудың (буллингтің) алдын алу және болдырмау жөніндегі бағдарламаға сәйкес қудалаудың (буллингтің) алдын алу және оған қарсы іс-қимыл жөніндегі қызметті ұйымдастыру;
- білім алушылар мен тәрбиеленушілерге қатысты қудалау (буллинг) белгілері анықталған жағдайда дереу әрекет ету, білім алушылар мен тәрбиеленушілерге әлеуметтік, психологиялық-педагогикалық көмек ұйымдастыру;
- мектептің буллингке қарсы қызметінің диагностикасы мен мониторингін ұйымдастыру.

3. Команданы ұйымдастыру

3.1. Команда құрамына: мектеп директоры, директордың тәрбие жұмысы, ӘШҚ жөніндегі директордың орынбасарлары, әлеуметтік педагог, педагог-психолог, қызмет көрсетуші персонал қатарынан бірнеше белсенді, дәлелді педагогтер мен қызметкерлер, ата-аналар қоғамдастығының өкілдері кіреді.

3.2. Нақты жағдайды қарау, алдын алу іс-шараларын жоспарлау және өткізу, мониторинг және т.б. кезінде тиімді атаулы көмек көрсету мақсатында Команданың құрамына басқа педагогтер де уақытша кіре алады.

3.3. Команданың сандық құрамы және оның өкілеттік мерзімі, жұмыс тәртібі және шешімдер қабылдау білім беру ұйымының қажеттілігін ескере отырып, осы Ережемен айқындалады.

3.4. Команда мүшелері бірінші ұйымдастыру отырысында дауыс беру жолымен өз құрамынан басшы мен хатшыны сайлайды. Команда басшысы мен хатшысы, егер оларға Команда мүшелерінің жартысынан астамы дауыс берсе, сайланған болып саналады.

3.5. Команданы ұйымдастырушылық-техникалық қамтамасыз етуді (жабдықталған үй-жайды, ұйымдастыру техникасын, қажетті әдебиетті беруді, іс жүргізуді ұйымдастыруды және т.б.) білім беру ұйымының директоры жүзеге асырады.

4. Команданың қызметі

4.1. Қауіпсіз білім беру ортасын құру бойынша ресурстардың бастапқы талдауын ұйымдастырады.

4.1.1. Команда қудалаудың (буллингтің) алдын алу және оған қарсы іс-қимыл бойынша мынадай қызметті жүзеге асырады:

4.1.2. Мектептегі ортаны талдау, қудалаудың болуын, сондай-ақ білім беру ұйымында оның пайда болуының нақты тәуекелдерін негізделген дәлелдемесін қалыптастыру үшін мектепшілік мониторинг, анонимді сауалнамалар жүргізуді ұйымдастырады.

4.1.3. Пікіртерім нәтижелерін өңдеуді ұйымдастырады, білім беру ұйымында қудалау (буллинг) мәселесінің нақты жай-күйін көрсете отырып, талдамалық анықтама қалыптастырады.

4.1.4. Мектеп педагогтері мен қызметкерлерінің қудалаудың (буллинг) және кибербуллингтің (біліктілікті арттыру, семинарларға, конференцияларға қатысу және т.б., жарияланымдар, тәжірибе алмасу және т.б.) алдын алу мәселелері бойынша дайындығы деңгейін талдайды.

4.1.5. Педагогикалық кеңеске білім беру ұйымында қудалау (буллинг) мәселесінің болуын мойындау, онымен жұмыс істеу нұсқауын қалыптастыру туралы материалдар дайындайды.

4.1.6. Білім беру ұйымында буллингпен жұмыс істеу жүйесін құруға дайын белсенді, дәлелді педагогтерді, қызметкерлерді, ата-аналар қоғамдастығының өкілдерін іріктейді және біріктіреді.

4.1.7. Оқу-тәрбие үдерісінің ерекшелігін, білім алушылар контингентін, ата-аналар қоғамдастығының пікірін, білім беру ұйымының қалыптасқан дәстүрлерін ескере отырып, «ДосбоЛІКе» қудалаудың (буллингтің) алдын алу бағдарламасын іске асыруды қамтамасыз ету бойынша білім беру ұйымының нормативтік-құқықтық базасын пысықтайды.

4.1.8. Педагогтармен бірлесіп, буллингтің алдын алу және «ДосбоЛІКе» бағдарламасын іске асыру бойынша іс-шаралар жоспарын әзірлейді.

4.1.9. Білім беру үдерісіне қатысушыларды Команданың қызметі туралы үнемі хабардар етеді, оң тәжірибені таратуды қамтамасыз етеді.

4.1.10. Білім беру үдерісіне қатысушыларды қауіпсіз білім беру ортасын құру мәселелері бойынша оқытуды ұйымдастырады (педагогтер мен техникалық қызметкерлер үшін коммуникацияның зорлық-зомбылық тәсілдерін, буллинг белгілерін тани білу, буллингтің алдын алу ерекшеліктері және т.б. бойынша оқыту сабақтарын өткізу (ұйымдастыру)).

- 4.1.11. Білім беру ұйымында алдын алу іс-шараларын жүргізуді үйлестіреді.
- 4.1.12. Ата-аналарды алдын алу іс-шараларын жүргізуге және консультациялық көмек көрсетуге тартады.
- 4.1.13. Оқушылардың өзін-өзі басқаруын «ДосбоЛІКе» қудалаудың (буллинг) алдын алу бағдарламасын іске асыруға кіріктіреді.
- 4.1.14. Буллингке қарсы ағартуды жүргізу мақсатында қызметі білім беру үдерісіне қатысушылардың құқықтарын қорғауға қайшы келмейтін серіктес ұйымдармен (коммерциялық емес ұйымдар, психологиялық орталықтар, буллинг тақырыбымен жұмыс істейтін басқа да мектептер, ???КДНиЗП???, қалалық медиа қызметтер, сенім телефондары) ынтымақтастықты ұйымдастырады.
- 4.1.15. Зорлық-зомбылық жағдайларының таралуы бойынша мектеп ішіндегі ахуалға, білім беру үдерісіне қатысушылардың көмек сұрауға дайындығына мониторинг жүргізеді, жағдайлармен жұмыс динамикасын қадағалайды.
- 4.1.16. Біліктілікті арттырудың перспективалық жоспарына енгізу үшін мектеп мамандарының білім алу қажеттілігін айқындайды.
- 4.1.17. Мектептегі буллингке қарсы саясатты, буллингтің алдын алу жоспарын айқындау, мектеп инфрақұрылымын өзгерту үшін ұсыныстар әзірлейді.
- 4.2. Команда қудалау (буллинг) жағдайларына ден қою бойынша мынадай қызметті жүзеге асырады:
- 4.2.1. «Баланы қудалаудың (буллингтің) алдын алу қағидаларына» және «Білім беру ұйымында қудалау (буллинг) жағдайындағы іс-қимылдар алгоритміне» сәйкес буллинг жағдайлары туралы белгілерді қабылдайды.
- 4.2.2. Білім алушылар мен тәрбиеленушілерге қатысты қудалау (буллинг) белгілері анықталған жағдайда оларға дереу ден қоюды ұйымдастырады.
- 4.2.3. Білім беру ұйымдарында әрбір нақты қудалау (буллинг) жағдайы бойынша көмек көрсетудің жеке жоспарын әзірлейді.
- 4.2.4. Нақты сыныпта анықталған буллинг жағдайы бойынша көмек көрсету жоспарын іске асыруды үйлестіреді.
- 4.2.5. Қудалаудан (буллингтен) зардап шеккен оқушыларға көмек көрсетуді ұйымдастырады, ата-аналарға көмектің қажеттілігі мен мәнін, кәсіби көмек алу бойынша ұсынымдарды түсіндіреді.

5. Құқықтары

- 5.1. Функциялар мен міндеттерді жүзеге асыру үшін Команданың:
- 5.1.1. Ұйымның, оның ішінде Команданың құзыретіне жататын мәселелер бойынша өткізілетін кеңестеріне қатысуға;
- 5.1.2. Командаға жүктелген міндеттерді орындау үшін қажетті ақпарат пен материалдарды белгіленген тәртіппен сұратуға.
- 5.1.3. Мемлекеттік билік және жергілікті өзін-өзі басқару органдарымен, басқа ұйымдармен қарым-қатынаста Команданың құзыретіне жататын және ұйым басшысымен келісуді талап етпейтін мәселелер бойынша білім беру ұйымының атынан өкілдік етуге;
- 5.1.4. Қудалаудың (буллингтің) алдын алу бағдарламасын іске асыру жөніндегі ұйымның қызметін перспективалық дамыту, жетілдіру бойынша ұсыныстарды қарауға енгізуге құқығы бар.

6. Жауапкершілігі

6.1. Команда қатысушыларына мыналар үшін жауапкершілік жүктеледі:

6.1.1. осы Ережеде айқындалған Команданың функциялары мен міндеттерін орындамау (тиісінше орындамау) – ҚР қолданыстағы заңнамасында айқындалған шектерде;

6.1.2. басқа да ықтимал шараларды қоса алғанда, қудалаудың (буллингтің) жолын кесу үшін шаралар қолданбау: қудалауды бастаушымен және қатысушылармен әңгімелесу, қудалауды бастаушының және қатысушылардың ата-аналарымен әңгімелесу;

6.1.3. өздеріне белгілі болған қудалау (буллинг) эпизодтары туралы кідірту немесе білім беру ұйымының басшысына хабарламау;

6.1.4. қудалауды тоқтатуға бағытталған шараларды, сондай-ақ ішкі тәртіп қағидаларында және білім беру ұйымының жарғысында көзделген қудалауды бастаушы мен қатысушыларға тәртіптік жазалау шараларын немесе білім беру қызметтерін көрсету туралы шартта көзделген өзге де шараларды қабылдамау;

6.1.5. егер жасырын болуды сақтау туралы өтініш білдірілсе, өзіне белгілі болған мектептегі қудалау фактілері туралы хабарлаған оқушының жасырын болуын сақтамау.

6.2, Команданың функциялары мен міндеттерінің орындалуына Команда жетекшісі жауапты болады.